

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : DATO' SERI REEZAL MERICAN BIN NAINA
MERICAN**

TARIKH : 9 JUN 2015 (SELASA)

SOALAN :

Dato' Seri Reezal Merican bin Naina Merican [Kepala Batas]
minta **PERDANA MENTERI** menyatakan apakah bidang-bidang
tumpuan yang akan diberikan pengkhususan dalam Rancangan
Malaysia Ke-11 nanti. Apakah RMKe-11 ini turut mengambil kira
kelemahan dan kegagalan Pelan Rancangan yang sebelum ini
(sekiranya ada).

JAWAPAN: Y.B SENATOR DATO' SRI ABDUL WAHID B.
OMAR, MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, Rancangan Malaysia Kesebelas (RMKe-11) merupakan Pelan Strategi yang lebih menyeluruh di mana setiap Teras Strategik RMKe-11 menggariskan bidang fokus masing-masing seperti berikut:

Teras	Bidang Fokus Utama
Teras 1 Memperkuuh inklusiviti ke arah masyarakat yang saksama	<ol style="list-style-type: none">1. Meningkatkan taraf isi rumah B40 ke arah masyarakat kelas menengah2. Memperkasa komuniti untuk membina masyarakat yang produktif dan sejahtera3. Mentransformasi luar bandar untuk meningkatkan kesejahteraan masyarakat4. Mempercepat pertumbuhan wilayah ke arah keseimbangan geografi yang lebih baik5. Memperkuuh peluang Komuniti Ekonomi Bumiputera (BEC) untuk meningkatkan pemilikan kekayaan
Teras 2 Meningkatkan kesejahteraan rakyat	<ol style="list-style-type: none">1. Mencapai akses sejagat kepada penjagaan kesihatan berkualiti2. Menyediakan perumahan mampu milik yang mencukupi dan berkualiti kepada isi rumah miskin, berpendapatan rendah dan sederhana3. Mewujudkan persekitaran hidup lebih

Teras	Bidang Fokus Utama
	<p>selamat untuk masyarakat yang berdaya maju dan sejahtera</p> <p>4. Meningkatkan keselamatan jalan raya dan perkhidmatan kecemasan untuk mengurangkan fataliti</p> <p>5. Membudayakan semangat 1Malaysia untuk memperkuuh kesepaduan sosial dan perpaduan nasional</p> <p>6. Menggiatkan sukan untuk kehidupan yang sihat dan memupuk perpaduan</p>
Teras 3 Meningkatkan pembangunan modal insan untuk negara maju	<p>1. Menambah baik kecekapan pasaran buruh bagi meningkatkan pertumbuhan ekonomi</p> <p>2. Mentransformasi TVET untuk memenuhi permintaan industri</p> <p>3. Memperkuuh pembelajaran sepanjang hayat untuk peningkatan kemahiran</p> <p>4. Menambah baik kualiti pendidikan untuk meningkatkan outcome pelajar dan kecemerlangan institusi</p>
Teras 4 Menuju ke arah pertumbuhan hijau bagi meningkatkan kemampaman dan daya tahan;	<p>1. Memperkuuh persekitaran yang menyokong pertumbuhan hijau</p> <p>2. Mengguna pakai konsep penggunaan dan pengeluaran mampan</p> <p>3. Memulihara sumber asli untuk generasi masa kini dan masa hadapan</p> <p>4. Memperkuuh daya tahan terhadap perubahan iklim dan bencana alam</p>
Teras 5	<p>1. Membangunkan sistem pengangkutan</p>

Teras	Bidang Fokus Utama
Memperkuuh Infrastruktur bagi menyokong pertumbuhan ekonomi	<p>bersepadu berdasarkan keperluan</p> <p>2. Menjana pertumbuhan logistik dan meningkatkan fasilitasi perdagangan</p> <p>3. Menambah baik liputan dan kualiti serta kemampuan langganan infrastruktur digital</p> <p>4. Meneruskan peralihan kepada rangka kerja baharu industri perkhidmatan air</p> <p>5. Menggalakkan penggunaan tenaga secara mampan untuk menyokong pertumbuhan</p>
Teras 6 Merekayasa pertumbuhan ekonomi untuk peningkatan kemakmuran	<p>1. Mentransformasikan sektor perkhidmatan</p> <p>2. Memperkuuh sektor pembuatan</p> <p>3. Memodenkan sektor pertanian</p> <p>4. Mentransformasikan sektor pembinaan</p> <p>5. Membangunkan PKS yang dinamik</p> <p>6. Menjana kekayaan melalui inovasi</p> <p>7. Meningkatkan daya saing bandar dan pembangunan koridor ekonomi wilayah</p>

Kerajaan juga telah mengenal pasti enam Pemacu Perubahan yang merupakan pendekatan yang inovatif bagi mempercepat pembangunan negara di dalam tempoh RMKe-11. Enam Pemacu Perubahan adalah:

1. Meningkatkan potensi produktiviti
2. Meningkatkan taraf isi rumah B40 ke arah masyarakat kelas menengah

3. Mengupayakan pendidikan dan latihan teknikal serta vokasional (TVET) yang diterajui industri
4. Melaksanakan pertumbuhan hijau
5. Menjana kekayaan melalui inovasi
6. Melabur dalam bandar yang berdaya saing

RMKe-11 berasaskan Strategi Pembangunan Nasional Malaysia (MyNDS) akan memberikan tumpuan terhadap penyampaian outcome berimpak tinggi yang cepat dengan kos berpatutan kepada Kerajaan. RMKe-11 juga akan memberikan lebih tumpuan kepada ekonomi rakyat, iaitu rakyat akan menjadi tunjang dan keutamaan dalam semua usaha pembangunan negara.

Sekian, terima kasih.